

十朝东华录

乾隆朝

第六
卷
七
册

乾隆東華續錄九十一

臣王先謙敬編

臣周馥恭校

乾隆四十五年庚子春正月辛卯 上落盤南巡○免直隸經過地方本年額賦十分之三○壬辰免直隸順德等四府屬道賦○戊戌諭強吏章治行宮毋事繁費有派累閭閻者罪之○己亥免山東縣城等二十八州縣積欠錢糧倉穀○丙午命署工部右侍郎福長安軍機處行走○己酉朝鮮國王李祘表賀 萬壽優詔答之以所獻方物准作年貢

二月辛亥伊犁將軍伊勒圖等奏伊犁兵民戶口漸增至十餘萬人事務繁多同知一員管理難周請將伊犁見有兼管民人理事同知改爲撫民同知管理地方事務添設理事同知一員辦理各營刑名案件又惠遠城惠甯城向設巡檢各一員今伊犁移駐三千營兵散處遠道商民亦漸增添巡檢二員不敷分管請添設二員酌量分轄下軍機大臣會部議行○甲寅免江南浙江經過地方本年額賦十分之三○免兩江所屬四十四年以前逋賦○丙辰調李奉翰爲河東河道總督陳輝祖爲江南河道總督○丁己

免福建臺灣府屬本年額穀○己未祭 河神 上渡河○閩清口東壩隄工○庚申賞李奉翰母貂幣○辛酉以福祿爲理藩院

侍郎原任青海辦事大臣

○王戊廣安徽江蘇浙江本年學額○癸亥減江蘇安徽浙江軍流以下罪○甲子免江南浙江省會附郭諸州縣

本年額賦○丁卯祭江神 上渡江○戊辰 上幸焦山○壬申 上幸蘇州府○諭據阿桂等奏豫省河神最靈驗者爲靈祐

濟大王本姓黃河南偃師縣人從前已受敕封擬爲修墳種樹並請於其子孫中賞給奉祀生一人又順治年間總河朱之錫功著南豫二省歿爲河神屢著靈應可否特賜位號又銅瓦廂風神廟於開放引河之先會申虔禱因連獲順風擧溜全黃得歸故道額

有獸相之功並懇頒寶符書扁額以昭靈蹟等語著照所請靈祐襄濟大王交該撫榮柱於其子孫內擇一人作爲奉祀生世傳勿替前任總河朱之錫交禮部酌擬位號候朕親定其銅瓦廂風神廟御書扁額另行頒發用答神貺○諭據大學士公阿桂等奏報

自本月初六日開放引河後日漸暢達又連值順風全河溜勢掣動八分因於十一日趁機堵合未逾數刻金門立見斷流大溜全入新河其有腰漏挂簾之處率同帶往司員馬應榴舒據並司道知府等分頭督催竭數晝夜之力金門一帶俱已閉氣從前水深

至十一丈者均已停淤止剩四丈餘所有腰漏等處亦已填壓堅實從此黃流順軌永慶安瀾等語昨據薩載奏徐城誌椿長水一丈一尺餘雲梯關長水四尺九寸流勢湍急全黃已復故道直達歸海此次儀封決口辦理幾閱兩載特命重臣前往經理發帑五

百餘萬兩近復將引河大展寬深接作挑水壩逼溜北趨始將溜歸正道 天佑 神助幸得成功朕感謝之餘益深虔敬向來河工漫口合龍例得邀恩議敘但亦應計時日久譬如三十九年老壩口隄工漫溢二十日之內即報合龍在事大臣自應加恩議敘

至此次則幾閱二年之久方克蕙事朕惟感謝 天恩 神佑而於朕心方深愧歉即在事大臣如阿桂等休戚相關諒均一體亦不肯仰叨天功更邀議敘至分頭督催之司員馬應榴舒據司道江蘭王蔭緒朱岐張有年沈啓震康基田等晝夜催遣分力宣勞非大臣可比著仍交部照例議敘至前此遺德成前往豫工閱看原以其略知工程作法而其回京覆奏乃欲仍於十六堡漫口築

壩逼歸入舊引河彼時以德成甫經到工數日即議更張乃欲於屢經決口處施工鑲砌執膠不通因阿桂等素輕其人不知禮貌遂爾意存偏執甚至奏對朕前尚復嘵嘵遺辦思用小聰明故翻成案且引袁守侗爲證而袁守侗至京與彼面議原不以彼爲是也朕豈肯因德成一人偏見遽爾輕聽致阿桂等掣肘難辦因令軍機大臣存記俟阿桂引河挑成再降諭旨今阿桂等引河放溜金門合龍已成若爾時輕信德成遽議更張豈不貽誤大事德成著交部嚴加議處至此次漫工若照向例糜費工銀應著落在事大小官員賠補但此番辦理情形實非從前漫決可比阿桂等悉心經理亦不遺餘力所有用過工料銀兩俱著准其奏銷毋庸議賠惟決口究因平時防護不慎所致從前河臣姚立德撫臣徐績實難辭咎鄭大進到任不久不必議著阿桂查明伊二人任內所辦工程歲修等項分別著落賠補以示懲儆朕辦理庶務一秉大公今日因阿桂報到特令隨營之大學士督撫等與軍機大臣一同召見明降諭旨並將此宣示中外知之○諭軍機大臣等向來兩金川番眾俱不茹髮但自大功平定以來沿邊各土司無不隸我版宇所有番眾即與內地民人無異自應恪遵定制一例薙髮况見在安營設鎮屯駐兵丁而該處番人若復仍沿舊俗殊於體制未協著傳諭文綏即行明白曉諭各土司令該處番眾舉行薙髮並嚴飭駐紮各員弁實力稽查務使遠徼番民永遵法守並諭特成額明亮知之○丁丑 上詣 文廟行禮○己卯免浙江仁和等縣未完各款銀米並民借穀石

三月庚辰朔諭朕繼輅時巡凡大學士祠墓在三十里內者例俱遣官致祭已故尚書錢陳羣向在內廷行走人品學問俱優著加恩派達椿前往致祭以示眷念舊臣之意○以奇豐額爲貴州按察使由廣東高廉道題○辛巳 上幸海甯州觀潮○壬午 上幸尖山

○諭海甯州石塘工程所以保衛沿海城郭田廬民生攸繫從前四次親臨指授機宜築塘保護連年潮汛安瀾各工俱爲穩固今朕巡幸浙江入疆伊始即親往閱視石塘工程尙多完好惟繞海甯城之魚鱗石塘內有工二十餘丈外係條石作牆內填塊石歷年久遠爲潮汐衝刷底樁微朽聚有裂縫蹲蹙之處又城東八里之將字號至陳文港密字號止有石塘工七段約共長一百五六十丈地當險要塘身單薄亦微有裂縫此塘爲全城保障塘下坦水所以捍護塘工皆不可不豫爲籌辦著將兩處塘工均改建魚鱗石工俾一律堅穩並添建坦水以垂永久該督撫即派妥員確勘估計具奏又石塘迤上前經築有柴塘四千二百餘丈見尙完整究不如石塘之鞏固雖老鹽倉有不可下塘爲石塘之處經朕親見然不可下塘處未必四千餘丈皆然朕於民瘼所繫從不惜帑省工俾資保護著該督撫即將該工內柴塘可以改建石塘之處一併派委誠妥大員據實逐段勘估奏聞辦理如計今歲秋前可以辦竣即撥帑趕緊興修若秋間不能完竣則竟俟秋後辦理該督撫其董率所屬悉心經畫以期工堅料實無溫無浮務期瀕海羣黎永享安恬之福以副朕先事豫籌至意○癸未 上幸杭州府○諭前以庚子年爲朕七旬萬壽恐內外臣工欲申祝嘏屢經宣諭飭禁此次南巡回鑾後一俟 北郊禮成即啓程幸避暑山莊各督撫皆不必前來稱祝更恐外省督撫不能仰體朕懷聞因七旬萬壽有取九九之義購備貢品誇多鬬靡甚至力有不逮而隨眾效尤勉爲充數尤屬不必各省督撫身住封疆惟當大法

小廉奉公勤職副朕委任本不當以進奉見長著再傳諭各督撫今年八月慶辰一切仍照常例若借七旬萬壽為名多事繁文以申媚茲之悃不徇為朕所不取且見經降旨令奏事處屆期遇有多進貢物者一槩不准接收諸臣其善體朕意毋得藉詞請觀致增煩費轉滋擾瀆將此通諭各督撫知之○甲辰 上幸秋濤宮閱水師○乙酉 上閱兵○福建恩賜舉人郭鍾岳陳應騰宋耀來浙江謝恩命各加貴資並以郭鍾岳壽百齡特賜進士○丙戌以博清額為理藩院尚書瑪興阿為兵部侍郎由內閣學士遷○戊子

上以儀封河工合龍命建碑於陶莊 河神廟 御製記文曰河之復也以隄合龍隄之合龍也以 天佑 神助然 天之佑廣

大精微不可以一二事舉亦不可以一二日期 神之助則有可以顯示昭靈事舉日期者此義已見於丁酉陶莊 河神廟之文

而今復有顯示昭靈聲應底績之貺是不可以不記儀封決口之築移金門開引河歷以年餘迄未成功亦無別法於舊冬仍為大

開引河圖掣溜歸壑之為及今春二月阿桂等始有十一日兩壩自行合龍隨填壓茨土不逾數刻金門立見斷流俟十分穩固即

馳報合龍之奏未數日而合龍之奏果至然所謂自行合龍之語不解何謂茲阿桂以善後大局已定來行在復命細問之乃稱二

月十一日儀封漫口未合龍以前金門尙闊三丈水深十一丈餘至午時忽報順黃南壩沈墜驚往勘視則南壩塌根全勢向北移

走陡與北壩接連時金門水面深止一二丈爾時見機可乘隨將合龍堵料趕緊填壓不三四刻已見斷流而埽底亦無翻花過溜

若非南壩向北沈墜移走則三丈口門下壩合龍非三兩日不能完竣今機緣巧合因敗為功以兩載之勤効收功片刻實由至誠

感召 天和 河神默相非人力所能到更非在事諸臣所敢望云云自前歲河決後予無日不叩 天禱 神翼連合龍以佑蒼

生昨初十日渡黃於香棚及陶莊 河神廟更益竭誠默籲而十一日遂有兩壩自行合龍黃流順歸故道之事此豈非 天佑

神助前記所謂適逢其時者歟予非敢自詡誠之能感若謂能感則自前歲至今二月初十日以前豈誠之未至耶而 神之顯示

昭靈實不可以不誌或謂陶莊在江南儀封在河南云一則不可兩處各有廟云二則此未必能及彼夫一佛而千百億化身姑不

必論即蘇東坡論韓昌黎所謂如水之在地中無往不在昌黎不過文宗尙能如是而福國佑民之 正神顧當論其在此在彼是

一是二耶及蒙庇蔭合 答麻祖予惟虔章孜孜日甚一日永祈安瀾之錫儀封合龍處已命建廟答祝當別有記而此陶莊實予竭

誠蒙佑之所因命 樹碑紀實親書勒石一如前建廟之例時庚子歲暮春上澣之吉也○己丑賞浙江召試諸生馬履泰等四人舉

人授內閣中書○庚寅以楊達為浙江按察使由 辛卯諭朕巡幸江浙臨在杭州見西湖花神廟所塑神像及後樓小像牌俱

書湖山神位其像大小雖異而面貌相倣聞係李衛在浙江時自塑此像託名立廟是以後樓並有正夫人及左右夫人之像甚為

可異 李衛於督撫中並非公正純臣其在浙江亦無甚功德於民並聞其仰藉 皇考恩眷較優頗多任性驕縱之處設使此時尙

在猶當究治其愆豈可令其託名立廟永享祠祀乎所有廟中原像著該督俱即撤毀於前殿另塑湖神之像並於後殿另塑花神

花后以昭信記○壬辰 上自杭州回鑾○諭王賈望見在丁憂浙江巡撫員缺著李質穎調補其未到任之前著三寶兼署所有

廣東巡撫員缺著李湖調補所遺湖南巡撫員缺著劉庸補授○諭本日據軍機大臣代王宜望奏稱海塘工程緊要奉旨督辦今已丁母憂自應解任回籍但世受國恩荷蒙重任懇恩於治喪百日後自備資斧在塘專辦工程稍盡犬馬之忱等語所奏甚屬可嘉著加恩馳驛回籍料理葬事百日後即赴浙江辦理塘工朕念切民生不惜數十萬帑金建築石塘以資捍衛必得工程鞏固以垂永久庶浙民得霑實惠今王宜望懇請在工專心督辦於工程更為有益此王宜望有懇缺之心亦非朕開在任守制之例實屬伊具有天良能以公事為急大臣居心自應如此君臣之間均可以令天下人共曉至李質穎到任後專理一切巡撫應辦之事所有海塘工程伊始到浙江未能深悉不必辦理庶彼此不致掣肘也○左都御史崔應階左副都御史羅海俱以年老休致○癸巳諭朕自三十年南巡以後迄今十有五年東南土俗民風易趨華靡每勸督撫大吏諄諄化導務期返樸還淳以臻至治而江南之陶莊清口浙江之海甯塘工其修舉尤關民瘼因尤兩省督撫籲請於今春再舉時巡之典乃自啓蹕以來所過直隸江南一切行營供頓不過就舊有規模略加修葺辦理尚為妥協而從事浮華山東已開其端至浙江為尤甚朕心深所不取見在陶莊及海塘各工經朕親臨指示所有應行修理工程特命頒發帑金交該督撫等悉心妥辦將來工程完竣後朕自當再親往閱視恐後任督撫見此次所辦差務已多粉飾未免踵事增華從而加甚勢將伊於何底朕臨御四十五年無日不廬念民依乃以省方問俗之殷懷轉貽口實是誠督撫大吏之不能善體朕心而朕亦將引以為愧矣著著再通飭各督撫以後務宜黜奢崇儉於地方諸大政實心經理毋得徒事繁華致滋浮費以稱朕惠愛東南黎庶之至意○以羅源漢為左都御史調謝塘為吏部侍郎即以錢載為禮部侍郎由內閣○調曹文植為兵部侍郎以姜晟為刑部侍郎王昶為江西按察使由左副都御史遷○丁酉諭李侍堯由將軍用至總督歷任各省二十餘年因其才具尚優辦事明幹在督撫中最為出色遂用為大學士李侍堯具有天良自應感激朕恩奉公潔己以圖報效乃昨據海甯呈稟李侍堯貪縱營私各款因命侍郎和坤喀爾阿前往查辦今據和坤等查奏訊問李侍堯家人張永受據供收受題升進南進莊坐銀二千兩素爾方阿銀三千兩汪圻銀五千兩臨安府知府德起銀二千兩東川府知府張龍銀四千兩交與佐雜孫允榮赴蘇帶往此內汪圻銀五千兩因伊從前送過金如意三柄發還後又變價送來又於前年差家人張永受進京修屋素爾方阿送銀五千兩德起送銀五千兩俱在板橋驛交張永受收受又據張永受供發交珠子二顆一賣給昆明縣知縣楊奎勒要銀三千兩一賣給同知方洛勒要銀二千兩各等語披閱之下不勝駭異李侍堯身為大學士歷任總督乃負恩婪索盈千累萬甚至向屬員變賣珠子贓私狼藉如此不堪實朕夢想所不到不特朕用人頗面攸關即各省督撫聞之諒無不慚愧痛恨矣李侍堯著革職鞫問按察使汪圻進南道莊肇奎原署東川府知府張龍降調並判素爾方阿丁憂同知方洛見明縣知縣楊奎俱革職交與和坤等一併嚴審定擬具奏○諭本日孫士毅具奏李侍堯一摺據稱聞李侍堯納賄勒索等事因暗中臆訪難得指證賴欽差大臣來滇密提家人員役隔別嚴鞠方能水落石出至李侍堯擲還汪圻私餽一節未行參劾實屬糊塗兼恐屬員畏憚李

侍養不肯承認反自蹈誣讞請交部從重治罪以爲瞻顧者戒所奏殊屬欺飾孫士毅由南巡召試中書在軍機司員上行走不次簡用擢至巡撫受恩深重乃目擊李侍堯營求受賄贓蹟纍纍孫士毅竟置若罔聞隱匿不奏經朕派員查辦猶復辯言飾非巧爲諉卸其罪更不可道國家設立督撫原爲互相剴察以維吏治而飭官方即藩臬兩司均有奏事之責如敢挾嫌誣奏上司固有應得之罪若總督果罔上營私贓款狼藉自當據實上陳况巡撫爲封疆大吏近在同城並不據實劾參直待別經發覺方以一奏塞責又安用此巡撫爲乎孫士毅在軍機處行走有年豈不知朕辦理庶政務期徹底澈清乃竟畏首畏尾巧言支飾甚乃自認瞻顧其意欲以降調完事尤屬巧卸孤負朕恩孫士毅著革職發往伊犁自備資斧效力贖罪以爲欺隱不職者戒○諭雲貴總督職任緊要見在內外滿漢大臣中堪膺此任者如大學士阿桂職領綸扉尙書福隆安扈從左右不可遽去和坤雖可但往審之人當避嫌疑文綬亦可而四川亦屬要任其餘實無可勝任之員奉天將軍福康安才具明幹秉性公忠滇省應辦事務尙多雲貴總督員缺卽著福康安補授舒常侯福康安到任後卽馳驛來京朕另有簡用之處雲南巡撫員缺著顏希深馳驛前往署理其貴州巡撫員缺朕酌量簡補見在巡撫印務卽著布政使李本暫行護理○戊戌諭前據海甯甯道稟軍機大臣所稱李侍堯婪贓賦法各款經朕特派大臣前往查辦見據和坤等審訊屬實已降旨將李侍堯革職拿問矣海甯甯身爲滿洲且係原任總督明山之子由軍機司員擢至臬司目擊李侍堯種種貪婪於回京時卽應據實上陳如不敢自行具摺亦應開列款蹟呈明軍機大臣轉爲奏達乃不過託之私相議論逮朕有所聞召伊兩次面詢海甯甯始終隱匿不肯奏出貪婪之蹟且謂李侍堯能辦事復傳旨嚴詢始據開呈各款是其面欺之罪不能以所控非誣曲爲寬貸也海甯甯著交部嚴加議處○已亥以慶王爲安徽按察使_{由蘇州}○辛丑諭李侍堯所出係漢大學士缺見嵇璜甫經協辦漢尚書中亦未得協辦之人英廉係內務府人伊本姓馮協辦歷年亦久可補用漢大學士缺其戶部尙書員缺著和坤補授和坤未到任以前戶部尙書事務仍著英廉管理其戶部左侍郎員缺著金簡轉補右侍郎員缺著福長安補授福長安未到任以前錢法堂事務亦仍著金簡管理○諭軍機大臣等本日文綬等奏覆番眾薙髮一摺據稱新疆番眾久經薙髮並半已穿戴內地民人衣帽至西南北三路沿邊土司番眾亦均已遵制薙髮並無仍沿舊俗之事等語所辦未免過當兩金川等番眾自收服以後隸我版圖與屯土練兵一併遵例薙髮自屬體制當沿至沿邊土司番眾如德爾格霍耳等處自可聽其各仍舊俗毋庸飭令一律薙髮更換衣飾將來伊等輪班進京朝貢衣服各別亦可見職貢來朝之盛何必令其換衣服以生其怨也卽見在收服之兩金川等番眾亦止須遵制薙髮其服飾何妨聽從其舊又况沿邊土司番眾何必更改服飾耶文綬辦理此事殊未妥協可將此傳諭文綬等知之○壬寅 上幸江甯府○命吏部尙書永貴協辦大學士○丙午 上至 明太祖陵奠酒○丁未 上閱兵○賜江蘇安徽召試舉人汪履基卽用內閣中書諸生召光復等十人舉人候補內閣中書江西蔣知讓等二人舉人○是月成都將軍特成額奏查三暗巴境壤延袤南北五百餘里東西三百餘里羣番散布不下一千數百戶其間素行

夥劫不過十之一二餘尙安分第慮賊首見兵臨勢蹙煽動餘番則辦理費手當乘此賊首倉皇眾番搖惑之頃外憐以兵威內離間以孤其勢臣飭令鎮將等各往該賊番交界要口分頭帶兵駐紮各派綠營兵弁與派出守口土兵參錯列營以便督察防維並派覓素與賊境內熟識之頭目土兵向三暗巴素末爲匪餘番諭以禍福令其造冊離異隨於十八日據班第達帶領安錯等所差頭目王青齋投夷稟據稱去年西藏喇嘛差人買茶回走錯路被三暗巴附近人搶劫安錯等實不知情願照數償還茶包儘力將放來壩之人等送等語查安錯等如一聞臣抵江卡親來謝罪自當分別查辦乃僅差人嘗試無論所稟真偽不妨藉以啓其倖生之心業經面諭王青如所稟屬實安錯等尙知懼法可卽著安錯等親來候質儘敢支延臧匿卽督兵剿捕等語一面調各土兵密辦得旨想彼未必肯出但當嚴辦毋事遲疑

夏四月己酉朔祭 江神 上渡江○乙卯諭朕此次巡幸浙江由海甯閱視塘工至杭州老鹽倉一帶有柴塘四千一百餘丈雖

因其處不可下椿爲石塘然柴塘究不如石塘之堅固業經降旨將可以建築石塘之處一律改建石塘以資永久保障茲忽憶及該地方官及沿塘居民見該處欲建石塘或視柴塘爲可廢之工不但不加防護甚或任聽居民拆毀竊用致有損壞則石塘未成工之前於該處城郭田廬甚有關係且改建石塘原爲保衛地方之計若留此柴塘以爲重關保障俾石塘愈資鞏固豈不更爲有益况當石工未竣以前設使潮水大至而柴塘損壞無可抵禦不幾爲開門揖盜乎著該督撫卽嚴飭地方文武官將見有柴塘仍照前加意保固勿任居民拆損竊用將來石工告竣遲之數年朕或親臨閱視爾時柴工儻有損壞惟該督撫是問○丁巳 上閱高家堰堤工○祭 河神 上渡河○免山西太原等十六府州並歸化城等廳牧廠地畝應徵額銀十分之三大同朔平及和林格爾等屬全免○辛酉諭姚立德由按察使加恩擢用總河一切修防堵築是其專責理應先事豫籌俾各處險要工程有備無患庶幾無負委任乃姚立德於前歲儀封決口一事平日不能留心查勘未雨綢繆以致因循貽誤屢築屢衝是以將伊革任仍留工次效力贖罪此等玩誤公事貽患地方不得藉口因公卽其平素辦事輒弱屬員不知敬畏致工程有名無實亦復無可憐惜試思此次決口耗費工料虛糜國帑至數百餘萬之多伊誰之咎然此尙云糜費帑項朕亦初不深罪伊而兩載以來民田廬舍均被淹浸貽害沿河及下游一帶姚立德更何以自解耶此事朕前不加重謹僅令革任留工效力已屬法外之仁今幸 天佑 神助壩工告竣伊復何顏赴行在見朕若因其爲人尙屬謹飭仍復加恩錄用將何以爲封疆大吏因循愒事者之炯鑒耶姚立德著勒令回籍並將此通諭中外知之○以周元理爲兵部左侍郎孫永清爲左副都御史由部調○調顏希深爲貴州巡撫劉秉恬署雲南巡撫楊魁爲陝西巡撫以吳璵爲江蘇巡撫瑞齡爲江蘇布政使調塔琦爲江蘇按察使以袁鑒爲湖南按察使由江蘇調○工部等部議准湖南巡撫李湖奏湖南省城西臨大江近北一隅尤低考縣志從前原有護城土隄一道名成功隄自太西門老礮起至殘子洲止長八九里前明兵燹拆毀隄址漸沒江中惟藉城腳外坡禦水近年江心沙漲漸逼江水東趨城腳土坡汕刷殆盡本年雨

多水盜城垣雉塙此次修復城身請於頂衝一帶外加護岸自通貨門稍南接老岸起至北門城墻轉角止共長一百一十五丈又於湘水橋下建出水石汨從之○壬戌調慶玉爲湖南按察使賈璧爲安徽按察使○甲子命英廉爲東閣大學士兼戶部尚書○丙寅諭昨據榮柱奏稱各屬民借未完籽種口糧牛具等項雖奉恩詔豁免但年分近而數目多請另降特旨全行豁免等語因令軍機大臣將各省作何辦理有無分別年限數目之處詢問薩載陳輝祖楊魁國泰據會辦此等積欠款項凡在恩詔以前者均應查明題請豁免並不論年遠年近及數目多寡今榮柱所奏各條款均與恩詔豁免之例相符至如何扣截年限數目辦理俱不知道等語民借未完各項既經恩詔豁免即使數目過多其在領認以前者該撫亦應查明一例遵詔全蠲以副朕軫恤窮黎之至意今榮柱復爲此請換其意不過欲在朕前見其慎重錢糧獻勤取巧設准其所請另行降旨豁免過省民人見其前赴行在始有此旨必以爲由該撫奏請蠲免並可借此沾名市恩督撫大吏如此存心辦事豈公正大之體若非朕明燭其巧必將以所奏爲誠心愼督愛民視榮柱爲封疆循吏者豈不墮其術中耶榮柱著交部議處○丁卯諭朕觀榮柱自用巡撫以來頗覺器小易盈取巧不知大體難勝河南災後撫民之任楊魁著調補河南巡撫其陝西巡撫員缺著雅德調補山西巡撫員缺著喀爾阿補授其刑部侍郎員缺著廖精阿調補所遺盛京刑部侍郎員缺即著榮柱補授以觀其後又楊魁著調起河南新任不必赴行在請訓榮柱俟楊魁到任後再行起程前赴盛京喀爾阿俟回京復命後前赴新任陝西巡撫印務見有尙安護理俟喀爾阿到山西時雅德再行交代前赴陝西巡撫之任○以吳玉淪爲左副都御史

由太常寺聯遞

五月己卯朔諭軍機大臣等朕自江南旋蹕以來沿途經過山東直隸地方田土俱覺乾燥已令各該地方官虔誠禱雨矣今日據薩載奏稱本月十九日高郵丹徒等處得雨一二寸此外各屬有無得雨尙未報明若於麥收後再得時雨於田禾更爲有益等語看來江省亦似略望雨澤已於摺內批示又同日陳輝祖奏到水勢情形一摺內稱見在撥夫撈淺而於會否得雨未經奏及是江南一帶近日禾必得有透雨可知江浙水鄉而田地長旱轉甚於畏潞北省乾燥而田土畏潞又甚於畏早此朕臨御四十餘年來所閱歷而得者目下時屆五月正當蒔插秧苗之時若稍缺雨澤於卑田尙可無慮而高阜之區盼望彌切著傳諭薩載即查明近日各屬會否得有透雨速行據實具奏如尙有缺雨之處即率屬虔誠設壇祈禱務得時澤普霑足資灌溉各屬田疇俱慶有秋以慰朕念將此並諭陳輝祖吳璫知之○甲申以錢士雲爲內閣學士

由蔣

○乙酉諭大學士九卿嚴議尙書和珅等處擬李侍堯貪縱營私各款將原擬斬監候之處改爲斬決一摺李侍堯歷任封疆在總督中最高出色是以簡用爲大學士數十年來受朕倚任深恩乃不慮其貪黷營私婪索財物盈千累萬甚至將珠子買與屬員勒令繳價復將珠子收回又廠員調回本任勒索銀兩至八千餘兩之多見在直省督撫中令屬員購買物件短發價值及竟不發價者不能保其必無至如李侍堯之賊私執景踰閑蕩檢實朕意想所不到今李侍堯即有此等敗露之案天下督撫又何能使朕深信乎朕因此案實深憤懣近又聞楊景素聲名亦甚狼藉

但其人已死若至今存未必不爲又一李侍堯也各督撫須痛自猛省毋謂查辦不及倖逃法網輒自以爲得計總之有則改之無則加勉觸目儆心天良具在人人以李侍堯爲炯戒則李侍堯今日之事未必非各督撫之福也所有此案擬擬原摺即著發交各督撫閱看將和坤照例原擬之斬候及大學士九卿從重改擬斬決之處酌理準情各抒己見定擬具題毋得游移兩可至各省督撫衙門購買物件除家人長隨例應關防不准出署外其各衙門原有設立買辦聞今多有交首懸賈辦及中軍買辦之事究以如何辦理方可不致滋弊並著各督撫一併據實具奏將此通諭中外知之○丙戌成都將軍特成額奏督率各路鎮將前駐春朋敵臨賊寨旋據游擊袁國璜稟稱移營戎多後有巴塘頭人汪許帶同三暗巴朗改番目烏金桑珠宗巴番目安卻珠多白馬吉第來稱番民皆種牧爲生從不偷放夾喇因安錯劫了達賴喇嘛茶包聞將軍大人帶兵前來勦洗心生憂懼後見達罕綽吉知天朝止要勦除偷放夾喇及同安錯爲匪之人便思同來投生等語因即差書目等隨同前往查造戶口尋據德爾格頭人澤旺勞丁上三暗節齒頭人湯旺及大喇嘛罕錯等各率番眾稟懇投誠查知素放夾喇係與江卡一帶毗連之支巴肯本郭木三寨番人此等既未夥同爲匪自未便一律剪除至賊境險要以宗巴爲最次則索古壘宗巴四圍石壁峭立僅有一縷羊腸盤曲而入索古壘雖有三徑可通亦皆清深菁密若不先將兩處險要趁此番眾皆欲投誠之際設法安排並乘機派官兵直據其中將來賊首勢窘恃爲遁逃之藪查辦尙需時日因即飛飭總兵成德等遵照密辦一俟措置定局卽派副將鄂輝督兵據其西北成德袁國璜帶兵繞出西南兩面夾擊自可將安錯等一舉就擒得旨所辦似得機要勉爲之○丁亥上還京師○諭昨因和坤差竣回京奏伊經過直隸城守尉尉出見時立在藩臬兩司之前豫省則在兩司之後等語城守尉一官係駐紮無將軍副都統之城統轄滿兵之大員非地方官可比雖屬督撫節制亦不過兼轄並非屬員而列藩臬之後殊屬不合理應定例畫一嗣後各省城守尉尉俱照直隸列在藩司之前著爲令○戊子諭軍機大臣等滇省採辦銅斤近年以來屢形竭蹶節經降旨該督撫等設法調劑實力籌畫終無成效茲據和坤面奏滇省銅斤官價輕而私價重小民趨利往往有偷漏走私地方官雖設法嚴禁無如滇地山多路僻耳目難周私銅仍多偷漏所以京銅缺少向來定例九成交官一成通商不若令將官運之銅全數交完後聽其將所剩銅斤儘數交易不必拘定一成或商民知利之所在競相趨赴丁多銅集京運不致仍前缺乏等語銅斤爲百姓器用所必需所以除鼓鑄官用外準其一成通商但滇省各廠開採日久硯老山深所費工本較多定價不敷商人無利可圖勢必裹足不前辦理益形竭蹶若許其將開採官銅全數交完外不拘一成之例聽商賈流通貿易間既多利便勢必競相趨赴百計籌畫撥濟資不貲貲新鑄銅廠可期日旺此亦調劑之一法也其是否可行能使此後各運銅斤如數全完源源接濟以供京外各局鼓鑄方爲妥善著傳諭福康安等悉心籌辦是

否可以永遠無弊據實具奏再前據和坤等查奏滇省私錢盛行每百不盈一兩半係鉛砂掩雜官銅缺少由私鑄盛行而私鑄盛行皆由官局錢文薄小並將該省所行私錢另包進呈昨和坤至行在復命復經面詢情形據奏請設法查辦整頓等語滇省各局

設有鑄座每年所鑄比之他省爲數較多見在正當整飭銅務清釐錢法之際豈宜私鑄滙行况有私鑄必有私銷制錢改鑄私錢者更不可不加意查察其私鑄之細小錢文宜急收毀將官局制錢按照江廣各省從前收買小錢成例與民間公平收兌改鑄大錢但思滇省官局見在所鑄錢文其分兩自不及京局錢文之重而以此收買小錢原亦不必拘泥每串七斤半重之成例應卽以此種局錢收買小錢俟小錢收買將次淨盡時再照定例加足分兩鼓鑄官錢如此逐漸收繳如平糶倉糧漸次減價之例辦理庶錢法漸有起色於銅務有益仍將見在如何設法辦理之處詳悉覆奏將此由五百里傳諭知之

諭據和珅奏伊赴滇省時經過湖南貴州一帶見該處苗民當差供役極爲恭順惟苗俗不行薙髮體制殊爲未協且內地民人見其服色有異未免心存畛域有意欺陵似應准其遵照內地一例薙髮等語滇省一帶苗民雜處且有苗多於民之處伊等耕鑿自安輸誠服役久與內地民人無別徒以不行薙髮尙循舊俗遂爾顯示區分但已相沿日久若一旦悉令遵制薙髮未免心生疑懼辦理轉爲未協著傳諭該督撫等明白宣導出示曉諭所有各該省苗民其有願薙髮者俱准其與內地民人一例薙髮以昭一視同仁之意

諭據和珅奏緬匪迭還蘇爾兩相等尙有同來緬子二人見在羈禁永昌似應釋回等語此等羈禁之人並非緬匪緊要頭人前此李侍堯將伊等扣留原爲勒取楊重英起見但思平定金川後如緬匪之波一孟矣等業經解京之犯尙且加恩發還况件送蘇爾兩相同來之人原屬無罪扣留且緬性多疑見來人被扣不還轉致心生畏懼莫若將此二人竟行釋遣俾歸本土並著傳諭福康安作爲己意檄諭該酋此二人從前扣留時係原任總督李侍堯因汝等不將楊重英送出是以暫行羈候今知此二人在滇多年是以特行放回至楊重英原係天朝無足重輕之人爾等送還固見恭順若不送還亦無關緊要如此檄諭俟該酋不能揣測端倪又見此二人放歸心生感激將楊重英送出亦未可定福康安接奉此旨卽遵照妥辦

諭從前因滇省永昌以外在在緬匪壤地毗連自乾隆三十四年以後每年派委將備帶兵前往各關隘地方分路駐紮皆於秋後出防夏初撤回定例令提督每年秋間到邊巡歷一次總督於冬初前赴各邊親行巡察以資整飭但各處雖與緬境相近其實小醜恒怯無能從不敢稍近邊圍况見已撤防減汛而總督大員相沿舊例每歲仍赴永昌騰越一帶巡邊殊屬無謂又提督駐紮大理距邊甚近尙屬可行總督本任應辦事務甚多永昌騰越一帶離省二十餘站每年一次前往徒令沿途州縣多一番酬應於實政仍無裨益著傳諭福康安止須嚴防沿邊各關口員弁實力稽察毋任偷漏至親往巡查或隔年一次或二三年一次先期酌量奏明再行前往

諭前據戶部奏查辦雲南省未完鹽課二摺已有旨寄交福康安劉秉恬閱看令伊等到滇後卽悉心查覈至滇省鹽務墮銷墮運及商民積欠節經降旨嚴飭該督撫等實心籌辦歷年以來紛紛奏請調劑至今仍無有起色昨和珅回京面奏滇省鹽務情形實因川省私鹽不無偷漏又係白鹽較之滇省所出黑鹽味好而價廉所以官鹽難銷而正課日虧惟在川滇二省交界處所實力禁止偷漏則小民不能淡食庶幾官鹽易銷課項無虧等語所奏較爲切實私鹽盛行則引牽滯難銷自應實力嚴禁但雲南與川省接壤私鹽既易偷漏小民貪賤買

食勢所不免卽出示嚴行曉諭查禁仍屬有名無實若多派兵役巡察查拏又恐徒滋擾累總之有治人無治法應揀選能事地方官責令妥爲籌畫實力清查俾開闢不至食私而鹽務漸期整頓所謂民可使由之不可使知之者著傳諭福康安文綬等卽遵照此旨派委妥幹員弁於川滇交界處所稽查嚴禁毋託空言再滇省乾隆四十一年以前墮運應銷各款前經該督撫等奏明分限八年帶銷而四十一二三等年鹽課積欠又有四十餘萬兩舊欠未完新欠又加疊累日甚徒有催追之名究無歸款之實恐民間又受病日深辦理愈形竭蹶朕思該省整飭鹽務之首應年清年款與其催追歷年之舊欠莫若先清本年之新款如本年庚子將應完四十四年課項先行儘數催交其全完足數之外再能催出若干卽以補還從前四十三年舊欠如此年清年款如有多餘遞年向上補還舊欠俟四十三年舊欠已清卽清四十二年之欠似此逐漸追溯湖清釐不必定以年限俾民力稍紓而地方亦不至有那新掩舊之弊可望積欠漸清鹽務或有起色將此諭令福康安等伊等以爲如何○己丑正月陽門城樓災○調江蘭爲雲南布政使農起爲河南布政使以福川爲安徽布政使由湖北按察使遷○庚寅以劉襄爲湖北按察使署直隸按察使○癸巳賜汪如洋等一百五十五人進士及第出身有差○丁酉論孫士毅前在雲南巡撫任內不能參劾李侍堯革職發往伊犁固屬咎所應得但與本身獲譴者究屬有閒且其學問亦優著加恩免其發往伊犁令在四庫全書處自備資斧效力贖罪與紀昀陸錫熊同辦總纂事務以贖前愆○戊戌諭尙書和坤之子賜名豐紳殷德指爲十公主之額駙賞帶紅綬結頂雙眼花翎穿金錢花褂待年及歲時再派結髮大臣舉行婚禮○己亥上啓鑾秋獮木蘭○免經過地方本年額賦十分之三○辛丑成都將軍特成額等奏前派總兵成德游擊袁國瓚安撫鳳番將賊境要區占據茲已據成德將上三暗巴之節齒番民一百六十戶袁國瓚將宗巴朗改兩寨番民一百十四戶共男婦一千七百九十九名口善加撫馭隨派漢土弁兵駐紮各寨宗巴朗既爲我兵據駐料索古壘轉盼來投所有支巴肯本郭本三盜藪無難迅速投拏見定卽日勒兵前赴達拉藏喜一帶相機督辦報聞○甲辰以成策尹壯圖俱爲內閣學士成策由翰林院學士升○乙巳上詣熱河文廟行禮上駐蹕避暑山莊○御製戒得記曰孔子三戒之論朱子注謂以理勝之則不善爲血氣所使又引范氏之言以爲養其志氣故不爲血氣所動蒙引又引新安陳樸之語以爲志亦定向於理志有善惡理無不善諸說釋理析理各抒所見亦既擇之精而語之詳矣我皇祖聖書望七時嘗欲鵠通用小聖命內廷翰臣擬文皆無當聖意者乃定戒之在得字用之此語聞之張照蓋爾時伊在南書房裏行也然當時聖意引而未發予今年亦屆七表於元且試筆卽櫟括此語爲什茲駐蹕避暑山莊乃皇祖朝乾夕惕用此聖之處而予受恩之所也適作書堂於清舒山館之左卽以題額而爲之記以闡皇祖之義曰帝王之學與佔畢書生有不同則所戒亦當各異未定方剛之戒茲不復論茲所戒者當在得矣而得豈與庶人同乎欲得賢才而用之此可戒乎欲得億萬年承天眷此可戒乎欲得震宇安甯萬姓業業此可戒乎欲得五風十雨屢綏普徧此可戒乎若夫欲得貨財爲瓊林大盈金花內帑之私則是剝肉補瘡自速其亡之舉古有明戒而戒及此其亦小弁因敝

思 皇祖所云戒得者其在撤土兼遠之爲乎擴土兼遠之不已必有窮兵黷武之事我 皇祖雖征朔漠復衛藏非窮兵也不得已也予小子欽承 先志亦既平伊犁定回部靖金川擴土不爲不遐兼遠不爲不備然非敢恃兵之強將之略而窮黷以逞已之欲亦惟是不得已而用之耳幸蒙 天助諸事順成今則毒登七旬亦既老矣尙何所不足敢弗以 皇祖之戒爲戒乎如是則先儒所謂志氣血氣胥不外一理然此理實非佔畢儒生所得同而或有合於我 仁祖垂示萬禩之義乎

六月庚戌以李封爲浙江按察使由江西○王子諭近據巴圖奏扎薩克圖汗賽因諾爾二部落牲畜學生蕃庶請令杜爾伯特烏

梁海等向外遷移空出遊牧即令扎薩克圖汗等部落接連移駐等語因此事斷不可行屢經訓諭並令博清額前赴烏里雅蘇台

會同巴圖車布登扎布秉公辦理喀爾喀向有博端綿爾在額爾齊斯額濟勒等處遊牧者因畏懼喀爾丹前來投誠經 皇祖賞

給牧地至乾隆二十年始平準夷中間相距五十餘年伊等遊牧何以容納今喀爾喀已潛將遊牧展至蘇木卡座此等地方即非

伊等所應占據茲又欲占杜爾伯特地方若任其占據日久必至科布多塔爾巴哈台等處亦將盡屬喀爾喀矣從前噶爾丹策零

之父策妄阿喇布坦欲將阿爾台迤北等處不令空閒再三籲請終未允許噶爾丹策零向額駙策凌聲言大皇帝若遣兵前來路

邊馬疲口糧不繼必仰給於汝喀爾喀我兵亦惟向喀爾喀索取等語經額駙策凌諭以大皇帝準情酌理將阿爾台等處作爲陳

地汝若與兵來犯我惟知捐軀以報大皇帝無謂我生計艱難心懷怨恨也策凌之言深堪嘉悅今拉旺多爾濟等巧借畜牧爲名

欲將國家兵力攻取之地希圖占據情殊可惡喀爾喀實屬負恩此事與左翼二部落無涉著傳諭博清額將此旨通諭右翼之扎

薩克圖汗賽因諾爾二部落喀爾喀等知悉俾勿忘乃祖額駙策凌之忠勤也○乙卯命三寶入閣辦事調富勒渾爲副總督

以舒常爲湖廣總督署貴○癸亥諭軍機大臣等據特成額等奏攻毀三暗巴賊巢全獲安錯等首夥辦理情形一摺已於摺內

批示此案始經發覺時特成額等即辦理過於緩弱見在雖已全獲首夥各犯並將安錯正法梟傳懸示而白馬四郎達罕緯吉二

人均係同謀合夥之犯即不槩予駢誅豈可復令歸巢辦理殊爲錯謬著特成額等即傳諭該犯爾等本屬罪應正法今蒙大皇帝

宥爾不死實爲格外殊恩見在尙有傳諭之旨即當赴省聽候俟其到成都時將該二犯嚴行監禁毋稍疏懈致令脫逃至三暗巴

地方既有此次搶劫之事今經官兵剿捕完結自應派駐綠營官兵如見在金川等處安設流官之例稽查彈壓並令德爾格忒土

司酌派大頭人協同管束其三暗巴番人止可聽其仍留小頭人零星分管地方毋許復有大頭人在彼管理事務方爲妥善前次

所降清字諭旨甚明特成額等接到即遵照查辦若如伊等所辦何以完此案乎又此次辦理迅速竣事自因在金川用兵未久德

威所播該番等俱懷畏懼而將弁官兵亦皆係曾經出兵打仗之人是以各知奮勉易於集事其副將鄂輝參將張之元遊擊訥奇

善尤爲出力甚屬可嘉著特成額等酌量獎賞並隨便送部引見將此由六百里加緊發往並諭文綏知之○丁卯諭軍機大臣等

軍機大臣奏據原任大學士于敏中之孫于德裕稟稱伊堂叔于時和自于敏中歿後即挾制家產不令與聞於本年三月擁貨回

籍復留族姪于錫榮及家人趙喜在京於六月初五日自海淀進城搶奪貢件業將趙喜呈送順天府在案又稱伊庶祖母抱養內姪張招官于時和欲令承祧于氏等語于時和於于敏中身後既有挾制伊姪把持家產情節今復先行回籍自必更有覬覦于敏中原籍貲財侵吞隱占之事著傳諭吳壇即親身前赴金壇將于時和所占于敏中貲產逐一查明毋令伊家不肖族眾致有隱匿並查訊于時和如果有侵欺家產及欲令張招官承祧于氏情事即據實參奏交部從重治罪于德裕原稟並著發寄閱看吳壇素稱曉事如何分給于德裕之處自能妥協辦理也至于錫榮趙喜等如何搶奪貢件據稱業經呈明順天府查辦著傳諭阿桂英廉即行嚴訊明確辦理具奏○庚午諭軍機大臣等據陳輝祖奏邠縣屬黃河因上游水發於六月十五十六七等日水勢加誌橋上長至一丈三尺七寸邠縣南岸大堤溜往南趨更兼東北大風河浪撞擊水高堤頂墮搶塌人力難施於十七日丑時雖甯縣地方郭家渡隄工漫塌二十餘丈水由沈家河入五湖歸洪澤湖等語見在會否合龍大溜未致擊河否已於牆內批詢此時薩載諒已馳赴工次其郭家渡大隄見被漫溢會否奪動大溜最關緊要朕心深為廬念著傳諭薩載即行查明奏覆並會同陳輝祖督率文武員弁迅速搶護立即合龍毋令奪動溜頭致再有刷塌寬深之事至關莊一帶今春經朕親臨閱視令將此岸開寬以備漲水暢流著將見在一切情形一併迅速由驛奏覆將此由六百里加緊發往並傳諭陳輝祖知之○以和坤為領侍衛內大臣○辛未軍機大臣等議覆成都將軍特成額等奏籌辦江卡地方善後事宜一江卡地方劃定應酌派弁兵分駐從前察木多因控制西藏設立遊擊一員千把外委六員駐兵三百三十一名今西藏收甯已久無庸安設多兵應抽出兵一百名把總外委各一員撥歸江卡守備管理駐防彈壓一江卡添兵駐防宜相地築礮以資棲止一三暗巴一帶已設守備各員分駐並令德爾格忒土司酌派大頭人協同管束其三暗巴番人止許留小頭人零星分管該將軍所請分派土司及令喇嘛經營之處均無庸議從之○毛申諭朕惟歷代寶璽所以展禮神祇式彰符命我國家承天眷佑自太祖太宗創業盛京肇膺大寶逮我世祖正位親命奄有萬方我聖祖六十一年篤祐延祚深仁淪浹我皇考世宗勵精圖治繼序前徵罔不欽崇天道勤恤民隱夙夜勤求治理不敢康甯用克協於天心俾中外蒙和壹之休臣庶享昇平之福暨於朕躬嗣服兢兢業業祈天永命恆切於懷惟是太廟尊藏列朝寶冊金繩玉線靈爽式憑然以次第錫造未免玉質大小長短不能一律荷天之休承列祖列宗之餘慶平伊犁定回部和闐良玉既有恆貢用是特命有司選良工卜吉日敬造列朝寶冊一律從同以奉大室念今年為朕七旬萬壽自古帝王受天純佑錫福延洪實無有過於朕者朕用是益不敢不敬天益不敢不勤民惟有朝乾夕惕思日孜孜以敬迓億萬年無疆之寶命所有換出太廟尊藏列朝寶冊敬誦吉日簡派皇子恭送盛京太廟尊藏以昭祖宗功德之成於萬代嗣後凡有舉行寶冊事皆以是為例必為二分一奉太廟一送盛京朕之此意欲我子孫世知天命之難謹敬一天勤民永存無疆之恤以保無疆之休可將此旨恭錄二遍一存上書房一存內閣敬承無致欽哉特諭○癸酉諭前曾降旨皇孫

輩求得品級者俱賞戴紅絨結頂帽至曾孫輩數較遠停止戴用此指已往者而言今朕已見曾孫奕純踰二三年奕純婚娶後朕便得見元孫伊等皆育養宮中一時五代並見亦誠罕有此皆上天垂庥伊古未有之盛瑞如會元輩當朕在位時俱不得戴紅絨頂帽又無品級朕心不忍且於體制未協嗣後凡在位時見有之會元俱准戴用我大清億萬斯年皆當遵此將此繕寫二分分貯宗人府上書房敬謹奉行

乾隆東華續錄九十二

秋七月丁丑朔諭軍機大臣等前曾傳諭吳壇令其親身前往金壇將于時和所占于敏中原籍貲財逐一查明毋令伊家不肖族眾隱匿並查于時和如果有侵欺家產及欲令張招官承祀于氏情事卽令據實參奏交部從重治罪所降諭旨甚明該撫自能仰體朕意妥協查辦茲據大學士阿桂等查奏于時和留京族姪于錫榮並家人趙喜供稱于時和同南起身前先後裝車九輛約有大小箱四十餘隻等語又據于錫榮供于時和在京時曾向說將來要令張招官改姓于氏承祀是于時和覬覦財產託病擁貲同南屬實請旨將于時和革職等語于時和著革職于錫榮趙喜等交部監禁再行查訊外著將此鈔寄吳壇閱看將摺內所取供詞情節逐一研訊于時和如何擁貲回籍覬覦財產捏病告假各緣由秉公詳悉確審定擬具奏至于時和所有侵占于敏中財物著吳壇分晰開單進呈仍酌量分給于德裕銀二三萬兩以資養贍將此密諭吳壇一一遵照妥辦並令由驛奏覆○賞孫士毅翰林院編修○戊寅諭軍機大臣等本日吳壇奏到雅甯河工漫口情形一摺據稱當卽兼程前往親勘籌辦俾被水人民不致失所等語雖甯漫口前陳輝祖奏報時已傳諭薩載令其前往工所會辦堵築合龍各事宜此時吳壇見有交辦于時和侵占財產一案自應一手迅速妥辦不必亟亟前往工所至籌辦水災賑恤諸務此事薩載可以先行料理吳壇俟于時和一案查辦完結再往未遲至大學士于敏中所遺財產若伊生前營私不法之事已顯露卽將伊正法查抄入官告所應得今既完名而沒朕亦惟始終保全以存大體本無庸究治其生前之罪至于敏中財產若干昨已傳諭吳壇令其開列清單具奏並酌分銀二三萬兩給予于德裕以資養贍卽于德裕亦本非的確于敏中之孫在伊得此以奉其祀亦足矣其餘存貲財卽係于時和與張氏侵占隱匿應行歸公之件且亦非得之以正者吳壇到金壇時卽行詳查該縣有無應行辦理水利墾工城工義學等地方公務卽將此項撥辦酌派委員經理其事覈實摺奏報銷俾于敏中所存遺產仍爲本籍地方正用不致他人侵飽私囊亦甚平允也其妻摺內亦無庸聲稱入宮字樣以副朕始終保全至意將此傳諭吳壇知之○戊子諭軍機大臣等據吳壇奏前往金壇查辦于時和盜占于敏中原籍貲產一案內稱據于時和家人杜喜等供稱于時和於本年四月抵家住於伊父子文駿家於六月二十八日進京其自京運回贗物另貯一室自行封鎖俱不許伊父開看亦無銀兩衣服給與伊父當將封鎖之房間看內有銀四萬六千兩並如意銅畫片各件及田房契券是于時和吞占于敏中貲產已屬顯然至伊父子文駿房內俱係破舊衣服並無絲毫銀兩等語是于時和串通張氏隱

占于敏中貲產帶同銀兩衣物不許伊父開看亦無絲毫給與伊父子文駿其負恩味良不孝已極伊父子文駿之物不必查辦仍行給予至于時和前已降旨革職茲據吳壇奏稱派員沿途截拏將來途次拏獲確審定案時竟將于時和發往伊犁充當苦差以爲不孝味良者戒至太監蘇姓據稱尚未到金壇已知會游豎揚州淮安各關留心截拏將來拏獲時訊明押帶財物屬實亦應解交內務府著總管內務府大臣嚴行治罪以爲太監記病告歸生事不法者戒又據另摺內開于敏中自治新房一所用銀一萬兩別有花園見作義學並未修葺等語朕從前卽風聞該縣有爲于敏中蓋造花園之事何未留心究出並聞有道員爲之料理此大關繫吏治吳壇不應放過此事原籍地方官於本地顯官竟敢公然爲之修葺房屋花園此於吏治官方所關甚大設使江蘇紳士見任山東道府州縣者卽於吳壇原籍爲之修葺房屋可乎此事吳壇何以不行查明據實具奏乃佯爲不知欲輕描淡寫希圖完案實屬不知朕恩舊習未改吳壇著傳旨申飭至另摺所稱于敏中前後置買義田一千一百餘畝用價八千餘兩養贍貧族報官有案此係義舉不宜動其餘分給于德裕貲財二三萬兩及于時和侵占銀兩留充該地方公用之處俱著遵照節次所降諭旨妥協辦理將此傳諭知之○丁酉班禪額爾德尼自後藏入覲上御依清曠殿召見賜坐慰問賜茶○戊戌論六阿哥之子縣聰病故伊福晉係三寶之女尙在未婚卽來持服實屬可嘉滿洲大學士之女如此守志固理所當然但縣聰並無子嗣情殊可憫著加恩以縣聰次子給縣聰爲嗣將此旨寄與英廉轉傳諭縣聰福晉知之○永定河溢○己亥諭昨據諾穆親奏七月十三日有趙姓太監牽羊進城自稱係縣德府中官用羊隻不肯納稅反將書吏毆打撕毀告示阿桂遣家人說情私行完結等語縣德業經來至熱河其府中太監滋事阿桂係總諸達且爲縣德福晉之祖父聞此情節卽應先行具奏乃反使家人代爲關說實屬錯謬著傳諭弘暢弘瞻英廉等將應訊人犯嚴行審辦並將諾穆親原摺鈔寄阿桂閱看令其明白回奏○辛丑東河蔡家莊河溢○王寅論軍機大臣等國奏奏東省汶河因今年雨水過多水勢陡長七月十七日又值大雨東平州戴村壩民埵被水衝漫流入大清河民田廬舍均無妨礙見在督飭道府廳州修築加椿培厚以期鞏固等語所辦均屬妥協但閘進呈圖內所畫汶水流入大清河之處殊未明晰據貼說內稱大清河由東平州經東阿等州縣至利津縣入海計長六百餘里自屬該處大河而圖內所繪大清河並無來源僅汶河戴壩分流一股遂如河源豈有六百餘里之大河如此而已乎著傳諭國泰卽另行詳晰繪圖將大清河從何發源之處貼說呈覽仍將該處見辦情形據實奏聞尋奏大清河上游來源卽係汶河古時汶水至東平之戴村卽北流與大清河會合入海自明人導汶濟運始於戴村築壩使汶水西南流至分水口入運如汶水漲溢則聽其由壩上分洩入大清河使運河不至漲漫而大清河下游兼受蘆泉泲溪八里堂三空橋五空橋錦河柳木溝沙河中川豐濟深水清水減水土河等十四河之水是以蜿蜒六百餘里成爲大河至汶河漫口趕緊鑲築見止有口門十餘四五日內卽可完工得旨覽○顏希深卒以李本爲貴州巡撫由布政使○癸卯以孫永清爲貴州布政使

出左副都御史

○甲辰諭諾穆親奏縣德之太監帶羊隻進城不肯納稅反將書吏等毆打撕破告示

阿桂差人說情私行完結等語當經降旨令阿桂明白回奏茲據奏稱差人說情之處實有其事殊屬非是阿桂在軍糧處行走多年朕辦理庶務伊所深知豈遇此等事件朕能曲為寬宥耶伊係滿洲首輔為縣億福晉之祖父何可如此瞻徇阿桂應得公爵及寶石頂雙眼花翎四團龍褂金黃帶本應撤回但伊於籌辦金川一事頗著勞績朕念此施恩不從重治罪著罰公俸十年並不必在總譜達上行走

八月壬子以京師麥貴命五城米商賈通倉麥運京平糶○乙卯諭大學士程景伊品行端醇老成練達歷膺部務懋著勤勞簡任綸扉正資倚畀昨因其抱恙未痊特命加意調理並屢次存問方冀速就痊愈茲聞溢逝深為軫恤著派散秩大臣帶同侍衛十員前往奠醴所有應得卹典並著該部察例具奏尋予祭葬諡文恭○丁巳永定河漫工合龍○湖北巡撫鄧大進貢金器不納切責之○戊午諭朝鮮國王世守藩封素稱恭順歲時職貢祇慎可嘉間遇特頒敕諭及資送歸國等事如琉球等國亦俱奉章陳謝惟朝鮮國王必備貢土物附表呈進藉達懃忱向因事使遠來若令齋回徒滋跋涉是以歷次例准留作正貢以示優恤而該國王恪共職守厠應正貢時仍復備物呈獻往來煩複轉寬多一儀文我君臣推誠孚信中外一體又何必為此繁縟之節耶今歲朕七旬萬壽該國王具表稱賀業已宣命來使前赴行在隨朝臣一體行禮宴賓其隨表貢物此次即行收受以伸該國王慶祝之誠嗣後除歲時慶節正貢仍聽其照例備進外其餘陳謝表章所有隨表貢物輟行停止毋庸備進副朕柔惠遠人以實不以文之至意著禮部傳諭該國王知之○庚申以直隸偏災命截漕十萬石存北倉備賑○賞給山東曹縣等三縣出借麥本銀兩免徵還○王戊諭各省吏治自 皇考時嚴行整飭綱紀肅清至地方官與中朝顯宦交結往來尤于例禁亦曾屢降諭旨訓飭再三乃昨聞得蘇松糧道章奎桂有為原任大學士于敏中修造房屋花園之事隨經傳諭吳壇查明覆奏茲據奏到章奎桂曾為覓匠經理尚未出貨幫助請將章奎桂革職發往軍臺效力等語于敏中受朕深恩乃聽本省地方官逢迎為之雇匠蓋屋若在其生前不當重治其罪今既完名而致姑不深究以示朕始終保全之意至章奎桂逢迎鄉宦罔顧官箴即問擬發往軍臺亦所應得但此事尚未出賞幫助亦姑不加深究著將章奎桂革職免其發往軍臺至吳壇身任巡撫於屬員中此等營私趨勢之事不行查奏經朕聞知飭諭始行據實劾參可見官官相護習以成風不可不加懲儆吳壇著交部嚴加議處此後外省如有此等情事一經發覺必當嚴行治罪斷不能復如此次邀恩未減毋謂朕教之不早也將此通諭中外知之○丙寅命再截漕二十萬石存北倉備賑○己巳諭薩載見丁父憂兩江總督員缺著陳輝祖暫行署理江南河道總督員缺著李奉翰速行前往署理河東河道總督員缺著國泰暫行兼理各省督撫向無在任守制之例即旗員閒有一二年復令其署任者亦俟服滿方准實授但薩載在江南年久實為南河不可少之人薩載接奉此旨著即速來京仍於百日滿後前往署理兩江總督此因一時不得其人並非令其在任守制也李奉翰著即馳赴南河辦理一切堵築事宜其東河事務亦關緊要李奉翰俟薩載到任後即回河東河道總督之任○癸酉召吳壇來京調閱聘

元爲江蘇巡撫以農起爲安徽巡撫調李承鄴爲河南布政使以查禮爲四川布政使由致察○甲戌 上自避暑山莊回鑾謁東陵 西陵○免經過地方本年額賦十分之三○理郡王弘曉薨遣疏聞諭今問理郡王溘逆朕心甚爲軫念著遣皇孫繇恩往奠茶酒尋予祭葬諡曰恪○以孫嘉樂爲四川按察使由廣東舉

九月丁丑軍機大臣等奏據革任河東河道總督姚立德呈請據情代奏願於南河河東等處自備資斧效力贖罪得旨姚立德著發往南河交與薩載等以河工同知差遣委用效力贖罪○戊寅命嵇璜爲文淵閣大學士兼兵部尚書蔡新爲吏部尚書協辦大學士調周煌爲兵部尚書以周元理爲工部尚書沈初爲兵部左侍郎原任禮部○己卯蔡家莊漫口合龍○以馮光熊爲江西按察使由福建調○壬午 上謁 昭西陵 孝東陵 景陵至 孝賢皇后陵奠酒○癸未諭公允祁前因辦理 陵寢事務未能妥協由貝子降授公爵今著加恩仍封授貝子○甲申琉球貢使蔡煥歸國歿於途命卹之○辛卯 上謁 泰陵 泰東陵○昨甯縣郭家渡漫口合龍○壬辰諭國初設官分職不殊周官法制又定鼎中原參稽前代不繁不簡最爲詳備其閒因革損益名異實同稽古唐虞建官惟百內有四岳百揆外有州牧侯伯耆庸熙載亮采惠疇周則監於二代立三公三孤秦漢以後爲丞相爲中書門下平章知政事明洪武因胡惟庸之故改丞相爲大學士其實官名雖異職守無殊惟在人主太阿不移備用得人則雖名丞相不過承命奉行卽改稱大學士而所任非人竊弄威福嚴嵩之流非仍名大學士者乎蓋有是君方有是臣惟后克艱厥后庶臣克艱厥臣昔人言天下之安危繫乎宰相其言實似是而非也至六官卽今之六部周禮典制纂詳要亦本於唐虞司徒秩宗諸職外而督撫自秦漢以來所稱守牧節度行省卽唐虞十二牧之遺歷朝改革建置紛如難以縷數我國家文武內外官職品級載在

大清會典本自秩然至於援古證今今之某官卽前某代某官又或古有今無或古無今有允宜勒定成書昭垂永久俾覽者一目了然見在編列四庫全書遺文畢集著卽派總纂總校之紀昀陸錫熊陸費墀孫士毅等悉心校覈將本朝文武內外官職階級與歷代沿襲異同之處詳稽正史博參羣籍分晰序說簡明精審毋允毋遺其議政大臣領侍衛內大臣八旗都統護軍統領健銳火

器營內務府並駐防將軍及新疆增置各官亦一體詳晰考證分門別類纂成歷代職官表一書由總裁覆覈陸續進呈候朕閱定書成後卽以此旨冠於卷首不必請序列入四庫全書刊布頒行以昭中外一統古今美備之盛因首論丞相一官餘可類推覽是編者其各顧名思義懷於天工人代兢兢業業夙夜靖其以庶幾克艱無曠之義欽哉特諭○癸巳諭前據巴延三等奏搜捕沙灣

茨塘等處夥盜等獲凌大頭蓉等訊據供出沙灣之石基汎水陸弁向有得受盜賊縱容出入情節實屬從來未有之事已降旨將該提督章紳革職拿問總兵副參各員嚴行參奏並令將此案各盜犯從重辦理矣此等海洋巨盜糾夥肆劫自必盤踞有年因

傳諭巴延三等查明此案得受盜賊起自何時係何人任內之事詳晰據實覆奏茲據巴延三等覆奏稱訊據各犯糾夥肆劫誘通

弁兵地保弓役縱庇各情節俱在場景素李質賴任內等語楊景素前任直隸總督時已聞其釐 不飭與李侍堯無異甫欲查辦